

NAFARROAKO GOBERNUA

GARAPEN EKONOMIKOA

ESKUBIDE SOZIALAK

OGASUNA ETA FINANTZA POLITIKA

LEHENDAKARITZA, FUNTZIO
PUBLIKOA, BARNEA ETA JUSTIZIA

HERRITARREKIKO ETA
ERAKUNDEEKIKO HARREMANAK

HEZKUNTZA

OSASUNA

KULTURA, KIROLA ETA GAZTERIA

LANDA GARAPENA, INGURUMENA
ETA TOKI ADMINISTRAZIOA

SEGURTASUNA ETA LARRIALDIAK

Asteazken honetan hasiko dira Iruñean Nafarroako trenbide korridoreari buruzko informazioa zuzenean emateko saioak

Hilabete batean trenbide-ardatzeko herri nagusietatik (Altsasu, Castejón, Tafalla eta Tuteran) ibiliko da gizarte-eztabaida prozesua sustatzeko, joaten den astelehenetik, irailak 11, online irekita dagoena

Astelehena, 2017.eko irailak 18

Nafarroako Gobernuak trenbide-ardatzean zehar antolatu dituen bost informazio-saioen lehenengoa izango da asteazken honetan, irailak 20, 19:30ean, Iruñeko Planetarioan. Helburua Foru Gobernuak proiektu honi buruz bildu duen informazio guztia herritarrei ematea da.

Manu Ayerdi lehendakariorde ekonomikoa izango da bertaratutakoei Nafarroako trenbide-korridorearen proiektuari buruzko laburpen exekutiboa emango diena. Ondoren, azalpenak emateko txanda izango da, publikoak informazio gehiago edo argibideak eskatzeko; baita beraien iritzia emateko ere.

Formatu berdinarekin, datozen lau asteetan foru trenbide-ardatzeko herri nagusietan errepikatuko dira informazio-saio horiek: asteazkenean, irailak 27, Altsasun (Iortia Kultur Gunean); asteartean, urriak 3, Castejongo Museoan; asteazkena, irailak 4 Tuterako Castel Ruiz Jauregian, eta azkenik, asteazkenean, urriak 11, Tafallako Kultur Zentroan. Lau saio horiek 18:30ean hasiko dira.

Informazio-saio guztietarako sarrera librea izango da, leku guztiak bete arte.

Informazioa eta partaidetza corredorferroviario.navarra.es webgunean ere bai

Nafarroako Gobernuak joan den irailaren 7an dagoeneko jakinarazi zuen moduan, astelehenetik aurrera, irailak 11, informaziorako eta gizarte-eztabaidarako web bat jarri da ikusgai (corredorferroviario.navarra.es). Hor, Garapen Ekonomikorako lehendakariordeak trenbide-korridoreari buruz bildu duen informazio guztia (laburpen exekutiboa eta 23 eranskin) kontsultatu eta deskarga daiteke. Horrez gain, herritarrek proiektu honi buruzko ekarpenak egiteko aukera ere ematen du, horiek erantzuteko emateko konpromisoarekin.

Informaziorako eta gizarte-eztabaidarako lehen fase honetan, urriaren 16ra arte egin ahal izango dituzte ekarpenak herritarrek. Horrenbestez, informazio-saio horiek Iruñean, Altsasun, Castejonen, Tuteran eta Tafallan egiten diren bitartean egin daitezke ekarpenak.